

57866

使

閩 豫

日

記

長沙瞿氏叢刊之一

地 810
915
都四

使豫使閩日記序

先文慎公於光緒元年乙亥以大考一等由編修升侍講學士旋典河南試自奉使至還朝逐日記程爲一卷次年督學河南再由京入豫所記增焉今謹合題爲使豫日記至光緒十七年辛卯典福建試試事未竣復奉督學四川之命是年五月由京循驛道入閩過揚州與先伯父相見九月自閩浮海至滬乘兵輪泝江至武昌先是先母於八月中旬由京回湘省視外祖母後至鄂相會買舟入峽抵成都已將歲莫矣起自奉命使閩訖於入蜀日記較前加詳謹題爲使閩日記茲合使豫使閩兩記爲一冊校錄付印今年癸酉距使豫時將六十年矣民國二十二年夏日孤子宣穎謹識

使豫日記

瞿鴻禨撰



元年七月十六日啓報

自京至河南省一千四百三十里

七十里良鄉縣宿

七十里涿州宿

六十里定興縣宿

七十里安肅縣尖

五十里保定府宿

六十里滿城縣尖

廿二里望都縣宿

六十里定州尖

四十五里新樂縣宿

四十五里伏城驛尖

四十五里真定府宿

六十里欒城縣尖

四十里趙州宿

六十里柏鄉縣尖

六十里內邱縣宿

六十里順德府尖

七十里永年縣(臨洺關)宿 四十五里邯鄲縣宿

七十里磁州宿

七十里彰德府宿

四十五里湯陰縣尖

二十里宜溝驛宿

五十里淇縣尖

五十里汲縣宿

使豫日記

長沙瞿氏叢刊

七十里延津縣宿

九十里開封府

十六日。已刻啟程。新雨涼風。頓添秋意。未正次長新店尖。馬牌路食在家給過京錢三十千。包掃一切。到此幸無喧嚷。飯後即行。加袷衣頗適。酉初抵良鄉縣。縣令王君爾琨號松堂。山東人。丙午壬戌鄉會偶閱浪迹叢談。有所驚喜。亦或以爲不然者。輒隨筆錄存之。

十七日。已正行。大雨已歇。未初寶店尖。比昨日加涼。酉正抵涿州。與芭庭前輩同驛館。良鄉店太窄。故分宿也。涿州知州吳履福。號祉山。安徽人。丙午舉人。

十八日。卯初行。新晴漸暖。爲減薄綿。擬宿安肅。適邑令已於白河預備。未正次白河。遂住此。距定興十里。定興令朱乃恭號允卿。奉天錦縣人。己未戊辰鄉會。

十九日。寅正行晴。道中泥淖就乾。已正次安肅縣尖。縣令葉祖莛號介之。四川人。換夫馬行。酉初抵保定府。合肥相國適駐天津。方伯孫省齋前輩觀。廉訪范眉蓀梁庚子進士。觀察葉冠卿伯英。總戎冷景雲慶。同鄉太守李靜山前輩培祐。縣令鄒岱東。

前輩振岳各持柬迎尋遣人答拜。

二十日卯初行陰。已正次滿城屬之方順橋。縣令胡壽嵩號仁山。江西人。尖後行。申正抵望都縣。縣令趙允祐號子受。江蘇人。滿城換馬不換夫。可無耽閣。

廿一日卯初行晴。一路甚乾。似久不雨者。已正次定州。古中山國也。州牧李璋號莪亭。辛亥年丈。丙辰進士。河南人。尖後換夫馬行。申正抵新樂縣。傳舍狹陋。與芭庭前輩分宿。縣令劉亨霖號潤之。江西金谿人。

廿二日卯初行。早晚尚涼。日中甚熱。已刻次正定屬之伏城驛。尖後行。申正抵正定府。縣令賈孝新號叔孚。筠堂相國之孫也。

廿三日卯初行。出縣城過滹沱河。河水甚寬。亦多淺澗處。舟渡者兩次。爲時良久。未正始次欒城。縣令張華亭號春舫。山東登州人。尖後行。益炎熱。酉正甫抵趙州。過州城七里許。宿大石橋。已入夕矣。蚤行而晏息。惟今日爲然。知州存祿號誠齋。滿洲人。廿四日卯正行。天氣極熱。午正次柏鄉縣。縣令吳光鼎號熙之。江蘇人。壬辰鄉舉。尖

使豫日記

二

長沙瞿氏叢刊

後行三十里許。因熱稍憩。戌初抵內邱縣。縣令王福謙。湖北人。號綸皆。

廿五日卯正行。晴熱。午正次順德府。邢臺縣令彭美號筱渠。己未乙丑鄉會。江西安福人。尖後行。三十五里過沙河縣。再三十五里。始抵永年縣屬之臨洛關。縣令書端。滿洲人。號元甫。

廿六日辰初行。二十五里過盧生祠小憩。午正抵邯鄲縣。縣令周錫璋號子元。浙江人。因昨日倦乏。故早宿。

廿七日寅初行。熱未退。午正抵磁州。距城二十里。皆以水爲田。種荷芰菰蒲之屬。清氣環繞。大有南中風趣。州牧程光瀼號小韓。丁酉拔萃。丙午鄉舉。四川瀘州人。驛館。以此爲閤敞。

廿八日卯初行。已初渡漳河。水澗不過數武。尋次豐樂鎮。巡捕及送封條官來迎。尖後行抵彰德府。安陽縣令趙集成號鶴舟。安徽人。通判錢思濟。均道旁迎。至驛館。接見巡捕。

廿九日卯正行。縣令通判出送。次湯陰。駐岳忠武廟行香。縣令鄒鉞號少儀。江蘇人。出迎。尖後行二十五里。抵宜溝驛。風日燥烈。塵埃蔽人。幸得早息。

三十日卯正行。午初次淇縣。縣令陳士杰號子俊。江蘇人。出迎送。尖後因酷熱少憩。申正始行。戌初抵衛輝府。太守李德鈞號平甫。順天人。汲縣令崇縉號雲卿。滿州人。率典史傅燮延守備連旺千總田桂林均出迎。已入夕矣。頗勞久候。駐宿考棚。甚閤。整。是夜有大風。或可作涼。

八月初一日卯正行。大風捲地。筍輿欲飛。三十五里次龍王廟。尖後再行三十五里。抵延津縣。縣令蔣起榮。口口口口人。是日聞河甚難渡。須一日之久。因與芑庭前輩商定。夜間趨程到河岸。以明日渡河。遂不復安寢。假寐數刻。便即命輿。時天陰。風已息。復甚。至滅燭光。強行三十五里。卯初次東底。未尖即行。二十里許抵柳堰口河岸。設香案叩祀河神。登舟後東北風甚利。挂帆安穩。不越時已到。非神力呵護無以致此。

使豫日記

三

長沙瞿氏叢刊

初二日晴有風。已刻渡河。午正已行抵省會。入北門。至行館。時中丞劉冰如。齊衙河帥曾沅丈。署方伯傅青儒前輩。壽形。署廉訪任筱元。道鎔。觀察段雁洲前輩。廣瀛署河道劉子恕。成忠太守馬伯岸。先登祥符令鞠子聯。捷昌。內監試陳翊圖。贊。外監試卓友蓮。景濂。正供給金口口崇幹。俱持柬道迎。尋遣人答拜。學使費芸舫前輩釐并送席

初三日晴少涼。時與芑庭前輩絮談。別無所事。

初四日晴。酌定鄉試錄前序。翻閱科場條例。藩司送

初五日晴。藩署遣官送入闈儀注單。國制遵例停宴。常服挂珠。僕人檢點行李聯紙。交辦差家人裝飾。

初六日。午前陰復晴。傍晚小雨不涼。已正赴監臨署謝恩。初至。賓主相揖叙坐。禮官稟謝恩。望闕行禮。監臨偕學使引入內廳少坐。執事官稟請入闈。換亮轎進貢院。司道提調監試等官仍迎候。即入文衡門。提調監試趨送。相顧周旋。乘亮轎到內簾。有間。監試收掌十四房以次來見。俱答拜。事畢。

初七日。晴。擬題定。早寢。

初八日。晴。卯初起。過芭庭前輩。隨邀房考孫積甫高雲帆段筱連來寫題付刊。兩板同刷。亥正竣事。子初衣冠親送題紙。與監臨提調坐談片刻。

初九日。小雨稍退暑氣。

初十日。晴。擬定經題。監臨送水禮八色。收不給賞。

十一日。晴。卯初起。邀房考李子錚趙聚齋王子林來寫題付刊。俱較前場迅速。戌正已竣事。因監試稱外間號門尚未封畢。仍至子初送出儀同。

十二日。晴。無事。略了筆墨應酬。

十三日。陰。午後疾雨。大風振屋。天氣驟涼。昨稍感冒。頗不適。外簾提調監試送水禮八色。收不給賞。

十四日。陰雨甚涼。可衣薄棉。感冒未愈。悶坐不出。改撰鄉試錄前序。策題由芭庭前輩付刊。

使 豫 日 記

四

長沙瞿氏叢刊

初八日。辰刻邀監試房官來看中卷。去後將卷歸齊。檢入箱內。酉初升堂。與監臨以下相見。叙坐。坐定。發硃卷兩本。書吏清查墨卷。收掌官當堂磨勘畢。再行填寫名次。丑正事竣散。

廿五日。早起。檢點一切。已初啟行。河帥以下出城揖送。惟任筱元丈交卸。段雁洲前輩接署篆未到。渡河風平浪靜。均荷神庥。再行約三十里許。次董家地。今日只得一餐。遂宿。

廿六日。早行。午刻次延津。因換車發價。轆轤竟不能再行。

廿七日。子初行。到龍王廟茶尖。猶未曙。復行次衛輝府。李太守崇大令出迎。旋來謁晤。新貴府學訓導李國賡投贄未見。亦詣城外送。換車亦稍久。日晡抵淇縣宿。陳大令來謁晤。是日行百四十里。甚暢速。

廿八日。寅初行。宜溝驛尖。換車馬。行次湯陰。未愆。日晡抵彰德府署。太守楊宗頤來見。

廿九日丑初行。次豐樂鎮。尖後甫曙。旋渡漳河。水已就涸。午初次磁州。換車不肯給長車價。延閣不齊。定更後始抵邯鄲宿。遇雨。

三十日寅初行。次永年屬之臨洺關。尖後行。傍夕抵順德府宿。邢臺令彭筱渠來謁晤。

十月初一日寅正行。次內邱縣尖。小雨趁行。抵柏鄉縣宿。雨未歇。

初二日卯初行。次趙州尖。抵欒城宿。

初三日寅初行。次正定府尖。正定令賈復來謁晤。再行至伏城驛。時已近暮。因此處不換車馬。立意趨程。以燭夜行。抵新樂縣宿。已二鼓矣。行李到更晚。計是日共行百有七十里。

初四日侵曉行。次定州尖。再行至望都縣宿。

初五日侵曉行。次滿城之方順橋尖。午後抵保定府。清苑令鄒振岳來謁晤。託縣飭雇長車到京。每轎車一輛實錢三千五百文。共七輛。合京錢四十二千。

使 豫 日 記

五 長沙瞿氏叢刊

初六日曉行。次安肅縣尖。再行抵北河店宿。距定興城十里。時尙未夕。

謹案以上爲 先文慎公乙亥典試河南時日記

九月二十二日。午初刻啟行。風甚。未正次長新店尖。風息。天氣晴和。酉初抵宿良鄉縣。縣令王松潭。爾現廣西人。去年錯記爲安徽。途中夫馬尙安靜。朱肯夫前輩同行。亦不甚擠。惟大車到店頗遲遲耳。看閱微草堂筆記一卷至二卷。

二十三日。已初始行。午正次寶店尖。風亦勁。申正抵宿涿州。州牧吳祉山。履福去年經過時亦此君。看消夏錄第三卷至五卷。

二十四日。已初行。午正次高碑店。申正渡白河抵宿白河驛。距涿州約十里。有張桓侯古井。老媪涿人。言井中有鐵索。長不計丈尺。挽之不能盡。他人亦多如此云。又數十武有桓侯廟。定興縣南有燕太子丹送荆卿處碑。幽燕古蹟甚多。惜驛傳恩惠。未能徧識。又無書可考證。尤媿荒陋云。看如是我聞三卷。定興令仍朱允卿乃孫。

二十五日。五鼓月明。以爲天曙。卽起促行。次固城店尖。時日甫高數丈。朱肯夫前輩尤早行。將宿保定。纔午初抵安肅。渠已安排前發矣。過店門下輿談少頃。自此先後參差。或難再晤也。連日稍形倦乏。轎中時時假寐。看如是我聞一卷未竟。縣令仍葉

使 豫 日 記

六

長沙瞿氏叢刊

介之祖茔。在驛館作寄三兄書。

二十六日。辰初行。午初抵宿保定。看槐西雜誌一卷。此地新葺皇華館。規模甚整飭。去歲經過尙未落成。今始得旬留一夕。旁連于公祠。未及展拜。清苑令鄒岱東。振岳來相見。入城拜方伯孫省齋前輩廉訪范眉生。均晤談。清河觀察葉冠卿參戎冷景雲未值。其來過亦相左。太守李靜山前輩適入場童試。答鄒岱東歸。發家書附郵遞。日暮張蔭廬自欒城來。與叔卿三人共話半响。

二十七日。卯正行。午正次方順橋尖。申正抵宿望都縣。縣令張鶴亭。彭齡奉天錦州人。辛酉拔貢。出迎。旋又來晤。遣人答之。看槐西雜誌一卷。薄暮陰。疑有雨。

二十八日。卯正行。清風店小憩。午正次定州尖。州牧仍李莪亭。河南西華人。申正抵宿新樂縣。縣令張廸齋。恆吉。山東濟寧人。看姑妄聽之二卷。是日晴。寒亦稍減。

二十九日。辰初行。次新城橋即伏城驛尖。未正抵宿正定府。有新建古常山郡南越王趙佗故里二碑。太守恭甄甫。鈞縣令賈叔言。孝彰來相見。旋往答之。汪柳門楊子和兩

前輩自豫州典試歸亦適過此未晤。遣人索觀闈墨并題名錄。知去歲所取副車唐生驛獲雋。爲之忻然。是日霜頗重。日出丈餘。地猶盡白。看灤陽續錄四卷。叔言大令以團扇乞書。爲剪燭勉揮以應。

三十日卯初行。侵曉渡漳沱河。輿梁已成。尙不病涉。午正次欒城。爲欒武子舊邑。縣令陳序東以培。安徽合肥人。酉初抵宿趙州之大石橋。今日驛程爲最大。稱百五里。殆不啻多二十餘里云。州牧仍存誠齋祿。巳亥繙譯舉人。庚子進士。

十月初一日卯初行。巳正次柏鄉縣。縣令仍吳熙之光鼎。酉初抵宿內邱縣。卽中邱縣令仍王綸皆福謙雲夢人。柏鄉北十里許有漢光武千秋亭遺址碑。又有漢車騎將軍馮公一碑。閱杜詩二卷。

初二日辰初行。午正抵宿順德府。邢臺令仍彭筱渠美。閱杜詩數首。因暇作家書。交縣附郵遞。

初三日寅正卽行。過沙河城。天甫曙。居民未起。巳正次臨洺關尖。未初抵宿邯鄲縣。

使豫日記

七

長沙瞿氏叢刊

令仍周子元錫璋。永年縣令夏範卿詒。江蘇江陰人。爲臨洺關地主者。閱杜詩一卷。

初四日辰初行。巳正次杜村舖尖。午正抵宿磁州。州牧仍程小韓光。午後稍熱。閱杜詩兩卷。

前誤記九月小建。今日始爲更正。昔人詩云。山中無曆日。春盡不知年。眞有此景。亦可一笑。

初五日辰初行。巳初渡漳河。水較闊。不似去年一葦可杭也。次豐樂鎮尖。未正抵宿彰德府。太守清輯庭瑞安陽令趙鶴舟集成。通判錢步川思。濟府教授張時中教諭。

李煥凡訓導石道生俱來相見。參將經杏壇文。布守備花榮桂經制。董桐琳管帶。練軍龔從偕。府經劉洽典史。李元愷均出迎。答拜府縣及參戎通判四處。是日頗燥。閱

杜詩一卷。

初六日辰初行。巳正次湯陰尖。縣令鄒少儀鉞。教諭于榮璧通家。楊大經俱來相見。

典史朱兆蓉把總張大典均隨迎送。未初抵宿宜溝驛。自彰郡起行惟教授張時中親送。餘皆差人持版。湯陰南十里許有晉侍中嵇紹墓碑。城北十里有羨里碑。文王演易坊。午間仍熱。早晚涼。閱杜詩一卷。

所記古蹟碑題。皆以目所得覩者隨筆錄識。遺略殆十之八九。亦心疚也。

初七日寅正行。至淇水。天甫曙。辰正次淇縣尖。縣令陳子俊。士杰教諭侯伯良來相見。典史車坦亦隨出迎送。未正抵宿衛輝府。汲縣令蕭子堅。晉榮遠迎。與太守馬慎齋。永修教授梁桐。教諭蔣生芸俱來相見。參戎胡鼎臣。思忠守戎連旺。府經章樹植。典史高永繼亦隨出迎。卸新安事杜近堂。信義來晤。答拜府縣及杜近堂。是日午間亦熱。

初八日辰初行。已正次龍王廟尖。未正抵宿延津縣。縣令盧又山。佑珊教諭薛凌雲。訓導牛義出迎。俱來相見。通家申望宣來謁。午間仍熱。早晚較寒。衛輝行時太守以下均送。

使豫日記

八

長沙瞿氏叢刊

初九日辰初行。縣令學官出送。已正次董家堤尖。未正抵宿新店。閱唐宋詩四卷。初十日辰初行。不數里過柳園口黃河。恭祀河伯。風定波平。已正抵岸。旋次大新莊官店尖。未正到城下。通家顧璜等九人路迎。同鄉州縣劉崑。堉諸君及府縣學官俱出接。中丞李小湘前輩方伯劉冰翁廉訪傅青餘前輩舊任費芸舫前輩糧道陳墨樵。世勳河道德明齋。馨兩觀察及候補道諸君皆在官廳相候。坐談片刻。河帥曾沅甫年丈因假未出。暫住考棚。未更行衣。往拜中丞。未晤。沅丈冰翁傅費兩前輩均得晤。

謹案以上爲 先文慎公丙子督學河南自京至豫日記

使閩日記

瞿鴻禴撰

辛卯五月十二日。奉硃筆福建正考官著瞿鴻禴去副考官著段友蘭去欽此。十三日。丑刻具摺謝恩。恭值方澤大祀。前期上自西苑回宮入齋宮。臣某與廣東正考官徐致祥升任內閣侍讀學士顧璜同在西苑門外道旁泥首。

六月初三日。乙未。卯正起程。巳正二刻到長新店尖。未正一刻到良鄉。宿關外。店甚隘。陰雨竟日。夾衣尚涼。略無暑意。柳葉偶有黃者。髣髴已秋。道中泥淖難行。幸雨尚不甚。良鄉令范履福。江西德化人。未出。詢其家丁云。前月廿九日雨雹之異。良鄉無之。獨安肅一帶為重。禾稼盡傷。段春巖編脩出城較遲。到站稍晚。

彰儀門出城至良鄉固節驛六十里。三十里 蘆溝橋

初四日。寅正起程。辰初到寶店尖。因驛夫刁難。已初二刻始行。未初二刻到涿州宿。行館未修。住店中。天陰無雨。午略熱。涿州牧孫壽臣。山東歷城人。庚午孝廉。未出。

使閩日記

九 長沙瞿氏叢刊

良鄉至涿州驛七十里。寶店十五里 琉璃河

初五日。丑初二刻起程。辰初到新城縣尖。候春巖到後。已初二刻行。申正到雄縣宿。早行雲陰甚重。電光閃閃。曙後風起雨散。塗中暢行。酉正雷雨旋止。新城令張良暹號晉芝。乙酉舉人。丙戌即用。河南商城人。為予所取一等首選補廩。手版執弟子禮來見。雄縣令王開運號卿雲。江西安福人。來晤談甚久。頗通達。亦本色。雄縣城垣失修。土地亦薄。城外通大清河。

涿州至城分水驛六十里至雄縣歸義驛七十里

初六日。丑初即起。時雨甚。寅初一刻稍止。起程。復雨。辰刻遂止。午正始到任邱縣。水深泥滑。輿馬甚苦。因不復行。午後放晴。任邱令王蕙蘭號仲芳來晤。山東長清人。丙子舉人。癸未即用。人甚長厚。為其兄索書扇應之。驛店甚小。

雄縣至任邱鄭城驛七十里。十三里 過十二連 橋有燕南趙北坊

初七日。丑初二刻起程。以初到河間。二十里尖。辰正行。未初過商家林茶尖。趁虛人

甚衆。十八里過臧家橋。橋跨滹沱河。泊舢板礮船一隻。舊河身尙在北。此係新開。大汎時河溜更猛於前。酉初到獻縣。縣令陳復恩號棣薌。浙江嘉善人。來晤談。地方事頗能了然。獻縣亦土城。武職有汎官一員。營兵極少。亦羸苦不堪。今日晴。塗中漸炎熱。輿夫後半日行緩多歇。故時較多。

任邱至河間瀛海驛六十里至獻縣樂城驛六十里

初八日寅初起程。卯正到交河縣屬之富莊驛尖。交河令原恩瀛河南溫縣人。未出辰初行。午初三刻到阜城宿。阜城令宋鴻鈞號江蘇溧陽人。由佐雜過班署任。極言地方瘠苦。所轄不及百里。城中更見凋殘。遙望縣城完整似勝雄獻。殆精華遠不如也。早間風頗涼。午漸熱。

獻縣至阜城驛九十里不過八十里

初九日子正二刻起程。卯正到景州尖。辰初行。已正過南劉智廟茶尖。午正二刻到德州宿。景州有塔高十一級。城外水周環。有漁舟垂罾。詢之士人。言是去年大水所

使閩日記

一〇長沙瞿氏叢刊

積並非河港。德州濱運河渡河甚近。伏汎尙未至。本任恩縣州牧何式珍號秀臣。福建侯官人。壬戌舉人。辛未同年。與州吏目劉鍾杰同迎。旋來晤。何同年器宇頗俊爽。參將趙開華號紫卿。同邑人。亦來晤。人甚精悍。送土物數色。收茗筍。餘璧還。城守尉樂福糧道善聯均遣人持柬至。景州賈孝彰未出。熱如昨日。幸到站尙早。聞廣東使者前日方宿此。殆途中水潦難行。渠廿八日出京。相去乃止一日程。

阜城至景州東光驛六十里至德州安德驛六十里

初十日丑初二刻起。卯正到曲路店尖。平原屬已初過平原縣茶尖。縣令程北祥號口口保定人。出城因雨未相見。已正行。雨中泥滑。未初到二十里鋪宿。晴則炎威逼人。雨則拖泥帶水。僕疝馬瘡。天下事不能兩全。往往如是。自景州以南雨澤較多。土地肥美。禾麻蔥鬱。燕齊之交。迴分瘠沃。早行時參將吏目縣令皆出送

德州至曲路五十里又三十里至平原桃園驛又二十里至宿站

十一日寅正起程。昨夜大雨。行時雨止。途中多積水。泥淖難行。午正始到禹城橋尖。

五十里程行四時之久。縣令劉家善號謂元。江寧六合人。甲子孝廉。迎晤未得接談。人似謹愿。午後暢晴。未初行。酉正到晏城宿。齊河縣令何粹然號月樵。辛未同年。正定人。

平原二十里鋪至禹城之劉普驛五十里至晏城四十五里

十二日寅正起程。卯正到齊河縣祝阿書院茶尖。縣令何同年來晤。旋渡齊河。伏汛甚微。已正到杜家廟尖。屬長清。縣令蘇杰安徽太平人。未出。距縣城亦遠。午初行。申正到張夏宿。仍長清屬。自杜家廟以後已入山。山頂雲氣滂然。時作微雨。已而復晴。山色青蒼。亦露石骨。與冬日經行意態迥殊。山中田土沃饒。禾麻之屬分外肥茂。出京以來未有能及。令人有山居之思。

晏城至齊河晏城驛二十五里又二十五里杜家廟又四十里張夏

十三日丑正二刻起程。辰正到墊台尖。仍長清屬。已初行。未正到泰安府宿。登嶽之願。徒寄遐想。輿中今日最爲炎熱。府縣康救楊綽雲均未出。帶馬隊都司馬驥嶺守備于鶴清均山東人。典史車鴻勳會稽人。同迎來晤。

張夏至泰安驛一百里

十四日寅初三刻起程。甫出店門。車夫訴稱車爲縣差扣留。旋傳辦差家人諭令放車行。雖見車出店。未知能免若輩魚肉否也。辰初到崔家莊尖。泰安屬。辰正行。未初三刻到羊流店宿。新泰縣屬。一路羣山環繞。如至故鄉。但無水田耳。今日聞鳩聲。亦北地所無。風景漸異。距崔家莊數里渡汶水。清淺而闊。有舟。

泰安至新泰之羊流驛九十五里

羊流羊太
傳故里也

十五日丑初起程。圓月當空。涼風習習。別有一種清趣。忽念此時爲小子誕生之際。正吾親劬瘁之時。今爲鮮民。不覺淚下如雨。昨在輿中誦洪稚存所作姊氏誄辭。亦不自知涕之何從也。寅正二刻已到翟家莊。辰正到新泰縣。初擬住此。既因甚早。天又微陰。遂行。縣令徐致愉號子怡江蘇人。庚午同年。大挑來東。晤談後卽行。未正到蒙陰縣宿。縣令宋森蔭未出。駐城內鹽店。較勝沿途旅館。已刻風雨驟至。少頃卽

止。蓋他處得雨矣。

羊流店至新泰縣六十里又二十里至濬陽又四十里至蒙陰縣驛

十六日丑初起程。天微陰。辰初到沂水縣屬之梁莊尖。縣城相距六十里。縣令均未出。已初行。未初三刻到青駝寺。屬蘭山縣。宿店中。縣役無一人。略無供張。幸夫馬均不換。無礙於行。青駝寺之北屬費縣。里不甚長。與沂水蘭山相錯。早行時蒙陰令宋玉堂來晤。人甚明幹。昨夜亦來。因已寢未納。殆寔從鄉間回也。張朗帥遣戈什王弁護送。道中備茶。從泰安已隨行。今始接見。

春巖今日生辰。適後予一日。亦奇緣也。其生年丙午。

蒙陰至龔家城八里至梁莊五十二里至青駝寺四十里

十七日丑初起。因雨寅正始行。辰正到伴城尖。蘭山縣屬。初擬住此。以與春巖分店。又甚狹隘不堪。已正復行。申初二刻到沂州府南關宿。過沂河。大風雨。幸河水極淺。以夫推船行。尚不覺險。入沂州城。又大雨。沂州守錫恩號蘭泉與典史千總迎見。縣令宮本昂楊州人。託故未出。

使 閩 日 記

一 二

長沙瞿氏叢刊

青駝寺至伴城五十里至沂州府五十里

沂河距城北五里

十八日丑正起程。辰正到李家莊尖。仍蘭山屬。莊北渡兩次。一徒涉。淤泥深尺許。蓋水退未久。一用船。水力亦大。若如昨日渡沂時。大風雨。則有戒心矣。此河仍沂水匯入運河。已初行。申初二刻到郟城十里鋪宿。郟城令汪味雲來此晤談。與予同歲生。情甚摯。雨後途中偶有積水。南風尚不熱。

沂州府至李家莊五十里至郟城十里鋪六十里

蘭山郟城之交。偶見蝻子戢戢。無慮萬數。更數日未有不傷禾稼者。聞味雲言江南安徽境內幾於赤地千里。殊可憫亦可慮也。

十九日丑正起行。卯正到紅花埠尖。郟城屬。出埠卽江南界。辰正行。未正到桐疇宿。屬宿遷。縣令蕭仁暉號爵寅。湘鄉人。未出。距縣城隔運河。境內亦有蝻災。鄉人方相率捕滅。今日炎威甚熾。

郟城十里鋪至縣城十里至紅花埠五十里至峒嵒六十里

二十日。子初起程。半夜略無涼意。幸早行。卯初到順河集。集北渡河。宿遷令蕭爵寅來晤。居湘鄉湘潭之交。汪味雲言其勤能。卯正行。已正到仰化集宿。連日尖宿處皆有防營分起接送。境內亦有蝻災。方鳴鑼傳鄉人集捕。今日更熱。未申間雷。大風而雨甚微。酉刻復雨。

峒嵒至順河集六十里至仰化集五十里

二十一日。子初行。寅初三刻衆興集尖。屬桃源。縣令汪懋琨號瑤亭。山東歷城人。丙戌即用。來晤談甚軒昂。略似陳仲英。已正到漁溝。店中破屋數間。湫隘不堪。欲前進則炎威正烈。僕馬不耐。連日疲乏。侘子亦不能到。勉強宿此。大難大難。地屬清河縣。迴憶甲申冬初北上。甫自王家營開車十里許。桂朔寒厥。婉漪以兩車相向扶持救治。得以無恙。心中惶急萬分。竟欲廻車。而車夫謂前途可住。相距不遠。意以爲漁溝。乃到衆興始駐。此時情況不堪廻首。桂兒途中二十日。不過食藥糕少許。終日啼號。

使 閩 日 記

一三 長沙瞿氏叢刊

聞上車則喜笑。到京後大病十日。醫者束手。服李公廣濟真人神方。一服而起。得慶更生。自此以後。生機日暢。今年十歲矣。終身不敢忘神力。炎天茅舍中。汗流如雨。書此一段。令人心境自平。亦安不忘危之道。且使桂兒他日知之也。申初刻覓得街外吳氏家祠借住。祠爲嘉慶間吳殿升翁建。有山陽李先生宗昉記。翁年八十餘。富而好施與。其孫大田中甲午鄉舉。祠堂三楹。院中有銀杏海棠紫薇方盛開。風來甚涼。人人襟袂。卽不由破屋中來。亦致足適。况出幽谷而遷喬木哉。夜雨大涼。

仰化集至衆興集六十里至漁溝四十里

廿二日。寅正始行。雨後道尙不滑。卯正到清河馬大有店中。略無預備。旋上船。電京虜發揚州信。漕督松峻峯淮關督世振三綱淮陽鎮章作堂。令才淮揚道謝子受元福均差一束。清河令崇樸一過未見。峴帥所借輪船云送他差去。函問謝子受云。已電催趕回。未知其實如何也。未刻大雨。申正開船。魚雷拖帶。酉正泊淮安府。山陽令特秀號子良來晤。府守未出。

漁溝至清江三十六里渡河至河岸店中聞王家營店均已閉歇

廿三日晴寅初行辰正到寶應縣令杜法孟號淑秋直隸武強人已未副榜來晤人甚樸誠自言在家習耕知農事時時與民言此周春浦辦釐捐局亦來談云杜令甚勤大概以此取人雖不中不遠矣其言夸者能而必刻浮而鮮實必不如也申酉間大風雨雷電停船少頃酉正刻泊六安開計行百一十里

清江至淮安府

山陽淮陰驛

五十里至寶應

安平驛

七十五里至六安開

廿四日晴寅正行高郵牧錢錫寶號鴻士仁和人乙亥舉人來談甚明幹與伯皋八兄會同辦積穀已初到高郵州午初三刻行酉正泊邵伯驛計行百一十里

六安至高郵州四十里

孟城驛

至露筋祠三十里至邵伯驛四十里

廿五日寅正行已正到揚州江都令林之蘅號小溪安徽懷遠人甘泉令劉沛霖號雲仙安徽口口人迎晤太守陳仙樓卿雲同年亦來談大兄旋到船相見四姪亦來聚話終日大兄夜分始別揚州中軍守備徐殿魁號口口四川進士來見同鄉毛松雲昌駿亦來徐贈西瓜毛贈路菜是日接京宅信并竹湘書知外姑五月初大病夏至後已復元京信述容妹病日增均切繫念復得京電鄧宅已允初二日婚期望能成禮了一心願發京信并發電貴州湖南信同發

邵伯至揚州廣陵驛五十七里

廿六日寅正行已正到瓜州口渡江金焦二山迎面而出波平風軟蒼翠在空氣象軒昂襟抱爲之一豁午刻到鎮江丹徒令徐錦華號秋宇浙江平湖人辛亥年丈常鎮道黃幼農祖絡並來談都統積蓋臣忠參將焦安邦遣人來山東臬司松晴濤廉訪林自瀆北上舟適泊此亦遣人來武弁周德明前帶飛鳧小輪船甲申冬初送予清江亦來見今管駕挖河機器船酉刻泊大新豐復發京信是日即進鎮江小河平時水小入丹徒口在下或入江陰口

揚州至瓜州三十里渡江十里至鎮江府又五十里至新豐

廿七日寅正行辰正到丹陽縣令查文清號滄珊浙江海甯州人丙戌即用來晤因

教堂案摘頂。據云議賠一萬餘元。尙未定妥。所勘尸棺七十餘具。業經即時掩埋。主者不欲深究。一路飛蝗漸多。昨今兩日所見常州境較少。未見羣飛者。戊初刻到常州宿。東坡有除夕常州城外野宿詩。令人舉然遠想。常州守桐澤號子露。由戶部放武進令吳炳號曜堂。丁丑卽用。江西安仁人。同來晤。吳君曾以告近改擊湖南。略記其姓名。問之果然。陽湖令葉懷善公出未來。

新豐至丹陽雲陽四十里至常州府毗陵九十里

廿八日。泊船多難出。行時將卯初。申正到無錫。縣令劉樹仁同城金匱令湯曜均未出入無錫後。水色微碧。澄波不滓。舟中望見惠山。白雲在顛。秀色如沐。遣人蕩小舟取弟二泉。城北有亭。屹立中流。顏曰小金山。又題水月。想見清宵月上。景物尤佳也。兩日陰晴無定。時或細雨。風甚涼。頓收暑氣。必他處滂沱矣。

常州至無錫錫山一百里縣北十五里高橋若取道江陰口則由此橋出

廿九日。卯初行。昨夜將半。長風怒號。虫聲唧唧。擁衾而臥。淒清似秋。不知其爲六月

使閩日記

一五 長沙瞿氏叢刊

也。過午望見姑蘇諸山。虎邱但見一塔矗立。申初過閶門。泊胥門。蘇州守魁元長洲令王芝蘭元和令李超瓊吳縣令凌焯均一過。未見。巡撫剛子良。毅臬司陳舫仙。織造毓清巖秀遣人來。獨藩司不與。蘇州山水清嘉。秀氣撲人眉宇。較杭州似尤過之。城郭迤邐。而長河流如帶。風清月朗時。遊舫往來。逸趣當何如也。

無錫至蘇州省姑蘇八十五里楓橋在省北十里

三十日。寅正三刻行。午初到吳江。縣令張嘉言號相廷。浙江山陰人。與同城震澤令沈熙廷號九箭。浙江定海人。癸未卽用。均署任。來晤。酉正三刻泊平望。天氣與昨日同。不知何處得透雨也。

蘇州府至吳江四十里至平望四十里

吳江水淺多草。輪船行不能暢。時或滯礙。挽繆行十餘里。

七月初一日癸亥。寅初行。已正到嘉興府。嘉興令趙漁衫。惟喻秀水令劉鶴笙。頌年嘉興守宗子材。培來晤。副將張金榜一過未見。亥正始到石門。縣令劉少英。毓蘭來

晤兩處所接皆舊相識。而少英獨款洽有情。談及定香亭石刻。毀已久矣。訓導邱鎮
遣人來。今日熱較甚。夜仍涼。嘉興帶水師蔣益賢來晤。

平望至嘉興西水驛六十里。又至石門阜林驛八十里。石門鎮在縣北二十里

初二日。卯初行。戌正到杭州武林門馬頭。日中熱。夜亦無風。到後遣魚雷輪船回。

石門至杭州一百里

初三日。卯正上岸。至武林門月城。將軍吉仲謙和巡撫崧鎮青。駿學政潘暉琴。衍桐

織造明子忠勳。杭都統常鶴卿。恩乍浦都統忠靄。山瑞率藩司龔仰蘊。照覆署臬司

唐藝丈。杭嘉湖道王心齋。同年出請聖安。對如儀。少坐別。至錢塘江上船。運司惠淩

舫。年病未出。糧道世敬生。春出運。杭州守李伯賢。士彬。仁和令高卓如。積勳。錢塘令

伍芝孫。桂生。先來見。東防同知高與卿。英候補同知何□□。恩焯江蘇人船局委員桂□

□□。冬榮貴州人釐局提調郭毅齋。式昌。卽用令朱文浣。德澤。先後來見。唐藝丈旋到船談

良久。知韓之已交卸延平。委當內監試差。發電到京。候回電未至。開船至六和塔泊。

使 閩 日 記

一六 長沙瞿氏叢刊

稍候消息。由信局發京信一件。自武林門入城。闌闌間無老稚皆曰。前年學台來矣。

養胡鬢矣。杭人謂留鬢爲養。故云。日晡約春巖各乘舢板登岸散步。至六和塔下。塔

門封閉。亦以薄暮未敢入。出京市月。始得此信。步遊之一快。夜極熱。

初四日。卯刻立秋。過聞家堰。釐卡委員劉良臣。錫覆來晤。吉園之子也。申刻過富陽。

縣令周篤生。學基來晤。談悉。己丑分房汪生。康年。姚生。文倬。皆出其門。戌正泊湯家

埠。

杭州至富陽縣會江驛九十里。又二十里湯家埠。

初五日。寅初行。申初過桐廬。縣令王子劬。續勳江蘇太倉人。來晤。戌初泊青紫港。今

日巳午間。兩岸濃雲堆山。潏然。日光乍隱乍見。作彩翠狀。或如潑墨。必他處得雨也。

午後仍晴。夜月照江。微有秋色。

湯家埠至桐廬縣桐江驛七十里。又二十里青紫港。過此入瀟

初六日。寅正行。申正過建德縣東關。縣令張焯。號初白。山西榆次人。生長蘇州。幼梅

曾稱其有藝能。來晤。嚴州守鶴雲皋。山副將會禮門。清選釐局委員向冕卿。人冠府教授鄒柏森。先後來談。戌初泊。過東關二里許。連日於更定後露坐船頭。新月初升。衆星在水。覺涼風颯然。城市中斷無此狀。味放翁風生細葛無二伏之句。信然。今日婉漪三十生辰。誦工部鄜州詩有感。

青紫港至嚴州府

富春七十里 青紫港至釣臺二十里

初七日。寅正行。酉正三刻泊許埠。距蘭谿十餘里。灘多風逆不能上。蘭谿令恩綽亭裕來晤。仍在船頭小坐。即睡甚熟。黃姑織女。天上佳期。銀漢微茫。無從髣髴矣。

嚴州至許埠六十里

初八日。寅正行。辰正過蘭谿。杭州轉電知榮妹病日加。電云勉廿日成婚。鄧郎頗解事。是初二期未用。不審能支持成禮否也。釐局委員鄧笏臣太守嘉純來談。即行。灘多無風。酉正泊。距蘭谿四十五里。地名鵝灘頭。舟人又稱生薑灘。大略即裘家堰一帶。有村甚大。綠樹廻環。洲上白沙細石。就洲露坐。春巖船至。約與偕飲。對月舉杯。燈燭盡滅。清風徐來。致有涼意。俄而密雲西上。月光微掩。半天星河。熒熒如故。雨勢不成。月亦還來。二更許回船便睡。微聞風聲。他日追思此樂。不可得也。

許埠至蘭谿縣十里至裘家堰四十五里

初九日。寅正行。午正過龍游縣。縣令馬東林。芳田丙戌庶常改授。奉天義州人。來晤。酉正三刻泊迎春埠。仍與春巖就洲上坐。二更後回船。較昨夕稍涼。風動篷索有聲。

裘家堰至龍游縣

停步驛

四十五里又三十里迎春埠大略即塘石溪

初十日。寅正行。連日皆順風。上灘則仍用挽。申正大雨。適抵衢州。滿江跳珠。白氣迷漫無際。十餘日來。此爲快雨。惜不久耳。登岸至官廳。衢州鎮喻采亭。俊明。跪聖安。小坐回船。采亭與署道鄒渭青。仁溥來談。署西安令徐小竹。懋簡。安徽人。衢州守保雨亭。順內務府旗人。釐局委員李毅宜。寶章。均先迎晤。江山令金耀亭。奎。亦來。夜接唐藝文電。知韓之護台灣道。不復當內監試差矣。

迎春埠至衢州府五十四里

十一日寅正行。改陸。出衢州之南門。鎮道府諸君在官廳晤送。已初到後溪街。本尖站。因到清湖鎮太長。恐日中酷熱難當。遂宿。西安令徐君同來此。申間大風雨。幸未塗。

衢州府至後溪街四十里

十二日寅正行。西安令來送。辰初過江山縣。縣令金耀庭來晤。旋偕行。已初到青湖鎮宿。鎮臨水。渡浮橋。想見水盛。時檣帆往來。商旅輻輳。此時水落。惟餘小舟。人煙稠密。倍於縣城。江山教官俞鳳翔自縣來晤。釐局委員徐慧生。寶晉教習知縣吳縣人。亦來晤。自西安來黃雲徧野。有方穫者。枷板之聲相聞。再種之禾亦已青青垂穗矣。鄉間稻蔭蔬圃。風味宛似家山。今日祀先。不得與祭。闕然。夜大雨。

後溪街至江山縣四十五里又十五里至清湖鎮

十三日寅初行。曉望見江郎山。巽然中開。兩石屹立。雲氣溶溶。忽隱忽出。已初過峽口尖。衢州同知玉子衡權來晤。午正到保安宿。將到驟雨。竟日陰。山頂雲生。時作小

使 閩 日 記

一八 長沙瞿氏叢刊

雨甚涼。

清湖鎮至峽口五十里。又二十五里至保安。

江郎街在峽口北十五里

保安店極低小。如天氣炎熱不堪住。伍芝生大令言黃漱丈呂曉蘇前次到此即行。有以也。

十四日寅正行。辰初過仙霞嶺。高峯入雲。盤旋而上。嶺頭有關帝祠。使者例拈香。已初至廿八都。仍江山屬。過此十餘里入閩界。金大令來晤別。殊太周到。楓嶺營游擊古興臣。春榮廣東嘉應州人。來晤。閩省巡捕來接見。照料沿途。未初至九牧宿。浦城令陳麗生銑。浙江平湖人。與縣丞金延瀾同來迎晤。午正至五顯嶺。雷雨。山亦極高。視仙霞則小矣。每日午後必雨。午前陰晴不定。早行甚涼。今日午較熱。還當作雨。

官一徐巡檢恩華
一官從九德馨

保安至二十八都三十五里。又四十里至九牧。

五顯嶺在九牧北五里

九牧店亦狹隘。

十五日寅初二刻行。卯正到魚梁尖。浦城屬。漁梁亦名山。尙未能領其佳勝。午正到

浦城縣。宿縣署內。過漁梁十餘里爲仙陽。真西山先生故里。市鎮甚繁。午後殷殷有雷聲。雲陰不甚密。雨未成。浦城陳大令來談。

九牧至漁梁三十五里。至浦城五十里。一單開共七十里。蓋路長浮開。

所過村市皆以中元家家設鷄魚之祭。香燭之製。宛如吾鄉。令人增哀慕之感。

十六日。丑正三刻行。卯初到西陽寺少憩。在西陽嶺上。當爲西陽。祁文端公書額作夕陽。蓋求者語未明晰。嶺甚高。與仙霞相頡頏。爲閩浙鎖鑰。卯正到臨江尖。午初到石陂街宿。均浦城屬。浦城令陳君偕來晤談。今日略熱。有欲雨意。昨夜行月明之中。山嵐騰起。月爲之暈。雲開月朗。山泉淙淙。又一佳境也。

浦城縣至臨江三十七里。又四十餘里至石陂。

十七日。寅正行。辰正到馬嵐宿。屬甌寧縣。一路山徑甚狹。草木礙人。時或臨溪。無復平曠之區矣。馬嵐行館架屋溪岸。開窗見山。翠映几榻。雜樹森立。落葉人窗。客中覺有秋思。夕陰忽起。已而細雨。

使閩日記

一九

長沙羅氏叢刊

石陂至馬嵐四十五里

十八日。寅初三刻行。辰正到營頭宿。山行無暑氣。日午頗熱。馬嵐以後山路漸寬。此處亦有行館。但乏野趣耳。視奔馳十八站時。舒迫勞逸判然矣。

馬嵐至營頭四十里

十九日。丑正初刻行。辰初到油源尖。油溪之源也。一路山徑尤窄。久經山水衝洗。故多坡坳。或樹根透露。行者過其上。至不容足。修治甚易。不知何以不爲。閱臨樵同年日記。去歲奉使來時已如此矣。油源屬建陽。縣令陳克亭。慶家江蘇嘉定人。來晤。已正二刻到建陽南關外行館宿。早行陰。交已雨。未申間晴。又雨。涼燠不定。建陽城外有橋一道甚長。跨水高幾丈餘。窄而不固。履之危若巖牆也。

營頭至油源即七姑店四十里。又三十里至建陽縣。

借閱建陽縣志。

朱子母粵國夫人祝夫人墓在天湖之陽。朱子築室於此曰寒泉精舍。又名寒泉林。

蓋取凱風詩語。朱子墓在后塘九峰山下大林谷。與劉夫人合葬。陳令言地近邵武。距建陽城百餘里。晦庵在雲谷山。真西山之西山精舍在渾頭林。

二十日寅初行。辰初至宸前尖。建陽屬。縣令陳君來別。已正一刻到葉坊宿。甌甯屬。縣令蔡伯昂。軒順天通州人。癸酉孝廉。來晤。言曾在常潤伯師處見過。所過山路亦有仄處。但不多耳。前接京電。榮妹今日成婚。不知病體果能舉行否。

建陽至宸前三十五里至葉坊四十五里。過南嶺

徐巡捕病不能行。留在建陽。據陳大令言其若有所見。語多不祥。大略如胡麓樵病狀。陳令知其老翁曾辦浦城鹽務。因緝私案。陷人於死。恐不免有過。當徐病中亦自言此事非我一人所爲。尙有七叔。七叔者徐翁之弟。當時亦在局。今卒矣。與麓樵事類觀。可不懼哉。可不慎哉。

二十一日寅正二刻行。辰正二刻到建甯府宿考棚。總鎮羅景山。大春。太守景麗軒。春。建安令章茂生。德華。浙江金華人。釐局委員楊蔭鑾。韻坡。江西新建人。與甌甯蔡

使 閩 日 記

二〇 長沙瞿氏叢刊

令出城接晤。旋來談。天時陰有雨意。早行甚涼。

借閱建安志。甚簡略。無體裁。又借閱甌甯志。康熙間知縣寶水鄧其文修。較雅。

宋英宗治平三年分建安九里三岐併浦城建陽二縣地置甌甯縣。

葉坊至建甯府治四十里。甌甯之城西驛

二十二日卯初行渡溪而南。鎮府諸君出送。已初二刻到太平驛。山徑有危險處。申刻大雨。若在山間遇此。可畏也。建安令章君送至此來談。雨竟夜。

建甯府至太平驛四十里

一路驛程每站不過四五十里。往往必分兩日行。不能併站者。有故。一由輿夫扛夫。自浦城至水口並不更換。沿途發價而已。夫力既疲。不能多行。一則午後多雨。山路崎嶇。尤不易行也。每日旅館中得半日之間。去時暇豫猶可。若歸途則轉嫌難耐矣。本日過一小村。名白水源。村北人家園口有一舊碑。至順庚午某月某日。記憶不清。上四字似未誤。大略如今鄉間墓碑。不知是何碑。有無文字也。與章大令談如之。

託其一訪。

廿三日卯初行。已正始到大橫驛宿。南平屬。縣令袁子明。學顯來迎晤。將到時微雨旋晴。早涼午甚熱。一路山徑窄處僅容一人。草深數尺。與人爭路。有一處俯臨深溪。山崖壁立。電線桿占其半。肩輿傍桿過作欹側勢。尤駭人心目矣。行路之難。恐蜀道亦不是過。夜雨。

太平至太橫四十里。實不止此。殆五十里。

昨夕夢見慈親。悽然飲泣。

二十四日。初初二刻行。已初二刻到延平府過渡溪。新漲流急。延建邵道司徒伯前。緒廣東蔭生。副將賴安邦。在城外初見略談。已正到考棚宿。延平府唐蓉石。寶鑑辛亥年丈。直隸靜海人。由中書選福防同知。新補是缺。與袁大令同迎來晤。距府十里。過我登渡。一名邱墩。山岸陡絕。康熙間巡撫某公開山爲石磴下渡。民刻石紀其惠。書巡撫都察院某。似是黃。大老爺捐廉修。旁書商民受恩刻。康熙十五年。卽此可見當時民情之渾厚。以巡撫統帥百僚。民間不過稱大老爺而已。今一知府必爭大人之稱。且今之爲善舉者。自表著其功。或且名浮於事。茲則出自百姓之謳思。故其詞朴而不文可貴也。世運之升降非偶然哉。今日所經亦有危徑。此道萬難夜行。尤虞遇雨。

太橫至延平劍浦驛四十里。有十里名高桐。極長餘如常。

借唐年丈辛亥直省同年全錄一觀。係丁卯年輯。板存楊梅竹斜街元會齋刻店。到京當購一冊。今日始知七月初八差信。申刻雨。雲陰甚重。

二十五日卯初三刻行。出城渡溪而東。道府諸君出送。縣令袁君至中途別。過吉溪復渡。午初到金沙驛行館。分行李大半由舟行。僕從仍陸行。午熱。

延平府至金沙驛四十里。路長不止四十

廿六日寅正三刻行。已初到清風驛館宿。水口縣丞謝啓初由鹽道提調委接來此晤談。清風嶺長數里而高。行館尙在山上。嶺多老松。森挺蟠屈。各有奇態。楓亦多合。

抱視他山氣象殊矣。幾欲與仙霞西陽鼎足而立。夜半暢雨。

金沙至清風五十里。路不甚大

二十七日。寅正二刻行。三路皆山。險隘較少。已初二刻到黃田驛館。早行仍涼。亭午甚熱。酉刻風雷微雨。

清風至黃田五十里

二十八日。寅初二刻行。辰正三刻到水口。卽上船。省城遣洋舶來迎。並輪船二隻拖帶。古田令林作丹。大受廣東東莞入。來晤。省中遣委員知縣張庚年。原籍巴陵。江西人。章韻臣。光國同鄉。武巡黃把總。世忠均來晤。水口稅釐委員余眉生。兆奎同鄉。鹽卡掣驗委員陳鴻亮。浙江人。亦晤。午刻開輪泊小崎。以日期寬舒。故分程行。早行山路多峻。過朝天橋。碑刊拱翠橋。向有輿梁。今斷。以舟渡。激湍洶湧。而艇子小甚。一葉飄蕩。險不可言。計陸路僅千二百里。而所歷多艱。又輿夫給價不更換。與州縣把持。四五十里一程。行至十七八日。甚矣其難也。舍陸而舟。窗明几淨。水軟波平。勞逸既殊。心神一快。覺危崖峭石蒼翠迎人。忘其爲所來之徑。天下事大抵習見則不鮮。創獲則可喜。人情往往然歟。未刻驟雨過卽晴。萬片白雲。蔚藍相間。

水口至小崎一百里。過小碁五十里輪舟止行兩時許

二十九日。辰正開輪。未初泊觀音亭。福州守傅節之。以禮浙江嘉興人。閩縣令王吉。人士。職浙江黃巖人。侯官令丁堯卿。振德河南羅山人。福防同知李石梧。鍾鯉順。天大興人。皆署任。理事同知口樸齋。口口先後來晤。茶稅委員柯伯齋亦來談。酉初刻大雨。一解炎熱。雨聲竟夜。

小琦至觀音亭一百里。距洪山橋五里距省城十里

八月初一日。辰初到洪山橋上岸。至五里亭。將軍希贊臣。元制軍卞頌臣。實第學政。沈叔眉。源深都統富煇齋。森布藩司劉景韓。樹堂臬司張笏臣。國正糧道陳展堂。鳴志鹽道龍芸垓。錫慶暨候補道同在官廳跪請聖安。敬對如儀。相見後。少坐卽行。已初到行館。候行李齊封門。無一人擅出入者。似有條理。從此得少安息矣。桂兒今日

十歲不知其氣運何如。夜雨。

初二日。早陰。午晴。巳刻開門進水菜。旋封閉。窗外芭蕉風過如雨。落葉時下。不少秋聲。不覺客思之橫生也。徐巡捕病。改派巡捕梅鼎勳。河南商城人。

初三日。巳刻開門。外間送進電抄。知蒙恩命簡放四川學政。感悚交深。君父生成。至優極渥。不知何以克承。惟當隨時惕厲。期無隕越耳。發電至京。商定眷屬行期。併問榮妹病狀。送制軍卞頌丈閱後方發。夜雨。據巡捕自電報局回稱。北綫損斷。約在蘭谿地方。暫不能發電。取有電報局條。足見事之遲速。皆有一定。

初四日。晴。午稍熱。連日繙閱書籍。薄暮驟雨夜晴。

初五日。申刻接譚文丈致龍仁垓電信。云眷屬八月十九出京。陸行上鄂回湘。飭劉升卽回京。旋知照卞頌丈並託龍仁垓照料。作家書付劉升卽行。戌初刻出城赴馬尾。搭輪船。卞帥告知明晨恰有船開。須趕行也。明日入關。心亦得專。看電音榮妹恐有變故。無從得信。

使 閩 日 記

二三

長沙瞿氏叢刊

初六日。己正初赴督署會齊。行謝恩禮。以丁祭日例止筵晏。旋至貢院入闈。龍觀察告知劉升於昨夕丑初到馬尾上船。辰初開輪。節前或可到京。申刻大雨至酉卽晴。午熱甚。

初七日。上堂掣房官籤。熱極非雨不解。各房官來晤。內收掌亦來。內監試侯仙舫昨來晤。

一房張韻梅景祁

二房孔靜階

三房蘇次杉元樞

四房何雨亭文澍

五房俞其章佳鍾

六房丁蘭村芳

七房陳尺珊受

八房陶筱琴濟福

九房厲石蓀嘉修

十才賀芷村沅

十一房翁□□天祐

十二房彭少階光湛

初八日。己初刻內監試請刻題。約孔靜翁賀芷村兩君在內各書兩分。旋同侯仙舫上堂。與春巖同照應付刻。寫刻均遲。至未刻尙止排出兩板。先刷其兩版。直至酉戌間方完。甚爲縣慮。幸刷印得手。丑初二刻已全竣。共九千張。卽傳外簾開門會送監

臨沈未眉到頗遲。逾丑正矣。散出亦不至晏。夜甚涼。加衣服。淡薑湯就睡。

初九日。起遲。將已正矣。飯後在衡鑑堂與仙舫間談。靜皆亦至。午後熱。然炎威已去。初十日。寫策題底稿。繙閱書籍。未初一刻。聞放頭牌。申初二刻。三牌畢。

十一日。約房官陶筱琴。厲石孫兩君。寫二場題。與仙舫張翼臣同在衡鑑堂監視刻。刷已初至。亥初畢。候交子正送出。并約孔賀兩君預寫策題。

十二日。與仙舫在衡鑑堂商定三場刻題。託伊照辦。午稍熱。早晚仍涼。窗外月色明淨。纖雲四卷。清風吹空。有此意境。

十三日。早涼。已正初刻。聞放頭牌畢。未初三刻。閱卷。申初二刻退。無荐卷。入夜荐卷六本。即閱。

十四日。在衡鑒堂刷三場題。板只二分。昨夕刷二千。今日卯正刷起。至亥初畢。共九千餘紙。策題字小而多。刻印均稍費日也。荐卷卅餘本。閱竟。發電到京。約行李航海。十五日。未正已放牌。此等卷潦草可想。兩日又熱。今微陰。閱卷小憩。至中庭望月。

十六日。外間恐早淨場矣。如有肯遲出者。當是佳卷。早間微雨。兩次旋晴。仍熱。

十七日。辰初恭送欽命繙譯題。叔眉侍郎跪接出。即退。花衣補服。今日仍熱。鏡下閱卷。蚊更多。

十八日。晴仍熱。已荐之卷。閱畢待卷。撤已中雷同一卷。

十九日。辰刻。龍仁垓送到京電。云劉升十五到。眷口都好。準廿二日陸行。甚慰。今日熱氣較退。撤雷同又一卷。

二十日。陰。天涼可著袷。却無雨。

二十一日。雨。秋意甚深。兩日荐卷佳構寥寥。不及前日愉快。夜大雨達旦。

二十二日。晨起雨止。昨夕夢庭中盆桂盛開。地上生小桂樹。前庭屋角玉蘭盛開。後簷牆外梅花盛開。一枝作淺紅色。意者榜中人才其極盛乎。

二十三日。晴。荐卷漸少。頭場多已畢者。晚聞雷聲。

二十四日。晴。午前殷殷有雷聲。未雨。申刻沈叔眉侍郎在內簾門一談。明日將出闈。

也。頭場卷已看畢。續荐者恐不多矣。

二十五日。忘寫遂不甚記憶矣。

二十六日。因看補荐二場卷。又欲改定元卷。睡時已過子正。久不成寐。

二十七日。至夜元卷始定。仍在四房。亦奇。

二十八日。發刻元作首篇。尚有補荐頭二場卷。

二十九日。尚有補荐卷。凡補荐二場多佳。可喜也。天晴亦涼。秋漸深矣。

三十日。無補荐卷。仍看備卷。二場發刻頭二場文已二十篇有奇。春巖處不知多少。夜間又來補荐三卷。

九月初一日。尚有補荐二卷。放榜定期十五。

初二日。無補荐卷。昨夕試擬文一首。稍補諸卷漏義。今日稍熱。

初三日。更熱衣禪。無補荐卷。

初四日。熱漸如從前。並無雨意。

使 閩 日 記

二五

長沙瞿氏叢刊

初五日。熱。夜有雷聲而未得雨。睡時小雨。

初六日。晴。熱氣稍退。却不涼。發闈墨文均畢。

初七日。晴。稍涼。二房補荐一卷。未能入選。

初八日。晴。涼與昨日同。閱中卷三場。尚餘廿餘本。

初九日。陰。午微雨。三場中卷閱畢。重陽佳節。了無清興。徒想把酒登高之樂也。

初十日。晴。晚飯後散步中庭。始覺月色更好。殆日在忙中。今較閒也。落卷中二三場荐批佳者均取閱。今日全畢。理中卷另贍一册。並存批語。計眷屬日內抵清江浦登舟矣。

十一日。熱。戌刻雷電微雨。今日定中卷就緒。反覆數四。不再動矣。自問盡心。若云無遺珠則未敢。庶幾去取均從慎焉耳。

十二日。晴。發中卷交各房磨勘。封卷時有鶻聲送喜。閱電抄知陸伯葵張塾秋兩君入直南齋。甚好。

十三日。晴。各房磨勘圈點。子初尙未交齊。不能彙填名次。已列清冊矣。

十四日。稍涼。午正刻監臨卞頌帥到。卽出堂寫榜。對卷填榜均極快。至酉正後已將散榜填畢。退用晚飯。遲至交亥初始出寫五魁。全榜畢不過甫交子初。人甚舒展。所中尙多知名之士。爲之一喜。今日發揚州電。

十五日。仍早起。接揚州電。知眷屬已到揚。均平安。甚慰。此電十二已到。計到揚不過初十。不知何以迅速如此。恐仍係十九出京也。日內想已上輪船矣。馮福初四來稟。行李未到上海。又不知何以如此之遲。或未交聶署耶。抑俱由陸行耶。李藝淵兄自九江來電。亦十一到此。外間以未撤關防不送。恐揚州疑何以未接到。又發電去。

十六日。晴熱。發中卷後卽出關。拜客後回皇華館。見客一起。日已夕矣。

十七日。晴。仍熱。拜客歸見客無稍歇。至夜稍閒。接漢口來電。十七抵漢。十六輪拖歸湘。七六兩字顛倒。今日已開行矣。

十八日。陰微雨稍涼。午後拜客。薄暮方歸。見客至夜。

使 閩 日 記

二六 長沙瞿氏叢刊

十九日。晴稍涼。仍會客拜客而已。晤陳伯潛閣學。仍如曩時狀。尙未留鬚也。

二十日。午初刻赴督署會齊謝恩。與鹿鳴宴。劉樸堂託龍仁垓爲桂兒作伐。擇吉日發男庚。但書壬午八月初一日丑時。不知四柱。歸來又會客至夜。

二十一日。拜發謝恩摺。望闕叩頭。午後赴公局招飲。夜分始散。

二十二日。得劉仲丈回電云。冬季水涸。是可以上峽之時。可至江口登陸。止兩日程。若由萬縣登陸。則十四站。自以舟至江口爲便。雲秋適駐此。可晤談也。午後赴會館招飲。戌正散歸。尙會客。

二十三日。會客。了扇聯酬贈。天氣頗涼。

二十四日。會客了筆墨酬應未畢。不能出門。夜深尙校進呈五策。

二十五日。至各處辭行。薄暮歸見客。了筆墨酬應。至夜分未已。

二十六日。已刻由皇華館起程。將軍希贊臣制軍卞頌臣丈以次均在五里亭送別。府縣以下送至南臺登舟。閩縣王吉人大令獨送至馬尾。舟抵馬江。乘輿至船廠徧

觀並閱新買之廣乙廣丙船。頌丈派庖人在做午飯。初本約偕來。後因德化兵事不果。因邀伯潛閣學作陪。以提調楊心曠。廷傳福建人戶部司員放甘州府委員張文川。兆奎直隸人知皆辛亥世兄弟。又新中在做之二生一梁孝恪一林鑒波同坐。薄暮上斯美輪船。未開。

二十七日。辰初乘潮出口。至長門泛洋。漸覺搖動。午後風較長。遂不能起。猶可臥看申報。

二十八日。風浪仍作。船輕載少。更覺簸盪。竟至嘔吐。從前尙不至此。子刻停輪。食水一甌。飯少許。

二十九日。風平。午刻入吳淞口。申刻抵招商局馬頭。薄暮到天后宮行臺。上海縣備仲芳及袁海觀大令來晤。

三十日。晴。天氣頗涼。大殊閩地。出拜客晤仲芳一人。夜鄭翔甫世兄來談。

十月初一日。拜客。晤劉康侯張元暢兩君。夜與翔甫玖伯觀劇。

使閩日記

二七

長沙瞿氏叢刊

初二日。申刻與翔甫玖伯至大花園觀虎豹獅象熊豺猿鶴等物。惟象虎瞻視不凡。別有氣概。餘無甚雄奇。園亭尙有野趣。秋色甚深。

初三日。邵筱村中丞來晤。錢君硯觀察。寶傳及劉康侯來談。海防廳劉君之子蘇翼。仁和新科舉人。爲予所取進。就謁。沈子眉觀察。龍虎之子傳姓海寧諸生新中副榜。亦予所取進。故子眉頗殷勤。夜在仲芳署飲。登威靖兵船。

初四日。未刻開輪出吳淞口。泊。與重伯同舟。

初五日。寅正開輪。丑初抵瓜州泊。

初六日。早移泊七濠口。大兄旋來。午正同遊金山。與重伯翔甫偕觀蘇文忠所留玉帶。天題輝煥。寶光燭霄漢間。至法海洞闕不得入。重伯翔甫回舟。予與大兄到揚州見嫂氏。以夏間過揚未能登岸也。戌正回舟。大兄同來。與重伯翔甫共談。至夜分始寢。非小火輪不能如是之便。

初七日。辰正大兄乘問樵小火輪回揚。旋開輪行。申初抵金陵。致書謝劉峴帥。告以

不登岸免酬應羈留。重伯到下關一行。旋即回船。是夜風浪甚大。

初八日。陰微雨。頗寒。輪船帶金陵餉。起運遲遲。爲借舳板船撥去。未正始得開行。亥初抵蕪湖泊。

初九日。晴。卯初開輪。夜抵安慶泊。

初十日。晴。卯正開輪。亥初抵九江泊。始知藝淵在南康。相距九十里。前電係專人到潯所發。不及預約。把晤之緣。失之意中。亦見凡事莫非前定也。德化令羅少源廣煦來晤。長沙人。鄭恪慎公之甥。於七兄壻視雲爲葭李親。夜與重伯翔甫談至丑初始散。

十一日。晴。卯初開輪。亥正泊。距武昌八十里。

十二日。辰正開輪。午正抵鮎魚套口。伯嚴來船。邀予與重伯同住藩署。時右丈已卸藩篆。回臬任。尙未移署也。江夏令諸肖菊。可權來晤。即登岸。至藩署。楚寶輪船赴湘接眷。是夜開行。

使 閩 日 記

二八

長沙瞿氏叢刊

十三日。拜客。

十四日。赴張蕪帥飲。

十五日。伯嚴招飲兩湖書院樓上。同席鄧保之丈。揚叔喬。銳屠靜珊。寄汪穰卿。康年歐陽節吾與重伯爲詩鐘會。

十六日。王吉來與七兄自長沙來。吉來亦厲伯嚴處。七兄與二十弟厲三合棧。

十八日。與伯嚴吉來重伯過江看鐵政局。徧觀機器工做。乘坐火輪車約一里許地。車行疾而穩。然以致遠究屬費大而利未必宏。

十九日。與吉來節吾同在七兄處飯。

二十日。申刻眷到。即出城住楚寶船上。

二十一日。拜客。赴譚敬丈飲。敬丈方病。福生世兄作主人。是夜仍住藩署。

二十二日。拜客。赴賡甫飲。在鹽道署樓上。樓依燕支山。結構甚佳。賡甫所築。散後到藩署與右丈伯嚴別。回楚寶船。

二十三日。住輪船料理一切。

二十四日。寫各處信。江通輪船到。

二十五日。已刻過江。上江通輪船。酉初開行。竹湘送至宜昌。得快談。

二十六日。晴。夜泊條關。地在西湖口。雨霰交作。

二十七日。晨雨午晴。船行間有淺處。停輪測水。戌刻泊沙市。

二十八日。晨霧。已正晴明始開輪。亥正已抵宜昌。睡甚晚。

二十九日。過船。行李上畢。移泊府城馬頭。東湖縣代雇川河船三隻。東湖歸州巴東

六站。共價銀二百九十餘兩。均自行發給。鎮軍羅笏臣。縉紳平江人。洋務委員裕朗

西太守。庚漢軍旗人。東湖令許晴照之雅。仁和人。宜昌守。蓬子振前輩。潤古來船晤

談。旋登岸拜客。飲羅笏臣署。同席裕朗西。住伊署中。回船甫暮。

十一月初一日。晴。笏臣來談。旋開舟。纜一二里。船上雇夫備物未齊。

初二日。陰微雨。裕太守許大令來。笏臣復來談。甚暢。留小飲。去後申初開行。泊李家

使 閩 日 記

二九

長沙瞿氏叢刊

河在府城對岸八里。夜雨。

初三日。早陰晚晴。午後過平善壩。薄暮泊南沱。共行六十里。竹湘送至平善壩而別。

初四日。晴風順。早行。已正過老黃陵廟。行三十里。又三十里至毛坪。東湖歸州交界。

薄暮泊獺洞。

初五日。陰風順。至曲溪約廿里。毛坪至此三十里又三十里至老關廟。過牛肝馬肺峽。兩岸

壁有石下垂各一。形似靈芝。而以肝肺名。殆土人相沿之稱。又三十里至新灘。共三

泊。第三灘之上。二灘之下。有同知駐此。未通問。歸州遣人來照料過灘。夜灘聲湍急。

初六日。陰。北風甚勁。乘輿由陸過灘。回船經兵書寶劍峽。山半微凹。有石約略似一

卷書。故云。至香溪風尤甚。揚沙蔽江。因小泊。水師老兵云。此處峽風相傳最猛。香溪

爲昭君故里。旋開行。過老歸州小泊。復行。泊新歸州南岸。去舊治約十里。宋玉宅在

其東。屈原祠又在其東。歸州牧丁幹臣。國楨來晤。曾在京通拜。固始人。

初七日。晤。辰刻開行。午後過洩灘。仍乘輿登岸。亦歸州屬。灘湍急。難上。甚於新灘。候

船良久。回船行十里。泊蟒虵岩。共行四十里。

初八日。晴。過大八斗。洩灘至此三十里。至牛口灘。爲歸巴交界。過巴東縣泊曾瀆口。去縣約

十里。縣令宗恆齊。繼會魯山人來談。人尙樸。言新洩兩灘可用火攻開平。以形揣之。似甚可行。巴東縣有信陵書院秋風亭。

初九日。早晴。午陰。過官渡口。巴東至此三十里。又三十里至楠木園。又三十里至萬流。薄暮

泊金扁擔。在鐵棺峽口。

初十日。晴。過編魚溪。一名布袋口。爲楚蜀交界處。萬流至此十五里。經培石入巫峽。過小磨

大磨灘。巫山十二峯當其北。重巖疊嶂。萬狀千態。隨意定名。神奧無盡。十五里至青

石洞。又數里泊霸王鋤。巫山令劉孝甫。毓德來。雲南人。

十一日。晴。無風。挽牽行甚遲緩。薄暮始到巫山縣。青石洞至此六十里。都司教官典史來見。

十二日。晴。因坐船笨重。改換二號船。並分行行李由小船前進。部署畢。未正行。薄暮至

使 閩 日 記

三〇 長沙瞿氏叢刊

下馬灘泊。計三十里。巫山令送至此。

十三日。晴。過灘至龍包子三十里。過升子岩後上灘。俗名鯉拐子。時已向夕。月色滿江。二號船牽到。將戍正矣。

十四日。晴。入夔峽。過虎鬚黑石諸灘。經赤甲白鹽瞿塘灩澦白帝城八陣圖。古蹟在焉。戍初至夔州府泊。行不及四十里。奉節令吳子蘭。延海夔州守誠芝圃。瑞紅船委

員侯□□派船護行。府經歷□□□先後來晤。兩校官不至。

十五日。陰。署通判□□□辛亥年丈奉天教官。推升京秩改外。副將志□遊擊□□□都司□□□教授□□□縣學□□□來晤。添雇水手長夫料理畢。午正開行。至私鹽沱泊。在頭塘之上。計二十五六里。

十六日。陰。午前微雨。行約八十餘里。泊廟磯灘上。雲陽令倪□□錫庚。蕭山拔貢。來見執弟子禮。

十七日。晴。午前風順。過廟磯東洋二大灘。未初至雲陽縣。隔江有張桓侯祠墓。舟小

停卽開。泊下巖寺在盤沱下數里。今日共行百廿餘里。

十八日。陰。泊鴨蛋石。自盤沱至此約行五十餘里。

十九日。陰。萬縣令蔣石生。屢泰來晤。申正到萬縣。厲公館。唐次雲劉仁齋諸君各局委員教官典史汎官均晤。

二十日。陰。微雨。拜客。檢點行李。

廿一日。晨雨晝陰。辰初行。四十里至佛寺鋪尖。五十里至分水場宿。均萬縣屬。蔣大令送至尖站。

廿二日。冬至節。早霧晚晴。卯正行三十七里。亭子丫尖。梁山屬。六十里至梁山縣。縣令李笙庵言詩東湖拔貢來迎晤。宿考棚。各官均來。

廿三日。陰。卯正行。四十五里至老營場尖。過佛耳巖。高峻異常。直上三四里。不能停步。石磴共千餘級。宿袁壩驛。亦四十五里。均梁山屬。

廿四日。早霧午晴。晚陰。行二十七里黃泥洗尖。大竹備。六十八里至大竹縣城宿。縣令王潤田啓迎晤。各官均來此。縣係兩學官。

廿五日。早晴晚陰。行五十里捲洞門尖。三十里宿李渡河。均渠縣屬。縣令季蘭晚學。英浦江人來晤。訓導戴孟恂曾肄業尊經。譚叔裕所取優貢。

廿六日。陰。渡渠河。四十五里至吳家場尖。四十里新市鎮宿。均渠縣備。縣令學官送至尖站。

廿七日。陰。四十五里羅家場尖。蓬州備。州牧楊昶同鄉人。以試武未至。六十五里至跳登壩宿。屬南充。縣令高樸臣。維寅同邑人。來迎晤。

廿八日。早陰晚晴。三十里東觀場尖。六十里過嘉陵江。行浮橋上。他轎有由船渡者。至順慶府考棚宿。順慶守楊筱亭。福萃三學教官經歷典史均來晤。嘉陵水色淨綠。誦放翁詩風景肖絕。山亦平遠有致。

廿九日。晤。午後甚暖。行三十餘里。天方曙。五龍場尖。南充屬。七十里宿蓬溪縣。共行百二十里。到時申初。縣令羅雲碧同鄉人。患心病未出。校官赴京。來者前縣令姚佑

民汝翼釐局委員曹湘紀。綱帶防營副將孫炳榮。紹發及汎官。

三十日。早大風。午後晤。三十里槐花鋪尖。蓬溪備。七十里再渡嘉陵江。宿太和鎮。射洪屬。

十二月初一日。陰。夜細雨。行三十里高蓬背尖。射洪備。六十三里觀音橋宿。三臺潼川府首邑也。縣令楊明軒。子文三。原人來晤。

初二日。雨止後行。時卯初。三十里魯班場尖。單開落板橋見道。上碑作魯班場。七十里至大礪一宿。屬中江縣。縣令沈子克。周安徽人。來迎晤。距縣五十里。午晴半响仍陰。天較寒。

初三日。陰。寅初行五十里。興隆場尖。中江屬。沈令送至此。四十里至趙家渡。金臺屬。縣令王墨卿。用綬來晤。又見客一班。復渡河行五十里。至新店。時甫薄暮。新都屬。縣令未至。兩學來晤。又見客三班。始晚飯。

初四日。微雪。遠山已白。寅初行。五十里到省。至官廳。德靜山與署成綿道王君先到。成都令甫出城。去官廳稍遠。提軍錢榮山與署臬署鹽道俱至。因起入城。與制軍劉

使 閩 日 記

三二

長沙瞿氏叢刊

丈都統雅。爾聖遇諸塗。至皇華館後。制軍都統提軍前任朱咏裳。編修旋見過。司道四君亦至。兩首縣若不知今日即到者。以探差人孀也。飯後即出拜制軍都統諸公。

